



Pou Piblikasyon Imedya: 09/01/2024

GOUVÈNÈ KATHY HOCHUL

GOUVÈNÈ HOCHUL ANONSE AMANDMAN INOVAN NAN KAD EGZANSYON MEDICAID 1115 POU AMELYORE SISTÈM SWEN SANTE ETA NEW YORK LA

Egzansyon 7.5 milya dola pral pèmèt New York envesti prèske 6 milya dola finansman federal nan sistèm swen sante Eta a pandan twazan k ap vini yo

Amandman egzansyon pral amelyore ekite sante ak abòde disparate sante atravè Eta a

Egzansyon an pral bay sipò enpòtan pou adrese bezwen sosyal ki gen rapò ak sante, sipòte lopital filè sekirite yo, epi adrese mank mendèv

New York gen plan pou l soumèt yon amandman nan demonstrasyon li an nan kòmansman ane 2024 la pou l bay timoun ki gen jiska sis zan elijibilite kontinyèl pou Medicaid

Gouvènè Kathy Hochul te anonse jodi a Sant pou Sèvis Medicare ak Medicaid yo (Centers for Medicare and Medicaid Services) te apwouve yon amandman inovan nan Demonstrasyon Seksyon 1115 Medicaid New York la ki pral yon katalizè nan efò kontinyèl New York ap fè pou konstwi yon sistèm swen sante ki benefisyé tout Nouyòkè yo. Demonstrasyon an regwoupe yon seri aksyon konplè pou avanse ekite sante, diminye disparate sante, ak ranfòse aksè ak swen sante primè ak konpòtmantal atravè eta a, epi yo pral sipòte atravè 7.5 milya dola nan finansman pandan twa pwochen ane yo.

"Amandman sa a pèmèt New York fè envestisman nan inisyativ Medicaid enpòtan ki pral amelyore ekite sante nan eta sa a", **Gouvènè Hochul te deklare**. "Apwobasyon CMS pou amandman an pral ede nou kontinye sipòte kominate ki pa jwenn ase sèvis yo, bay Nouyòkè yo sèvis enpòtan tankou sipò nitrisyon ak lojman, epi amelyore aksè pou moun ak fanmi ki afekte pa itilizasyon sibstans yo."

Komisè Sante Eta New York la, Doktè James McDonald, te deklare, "Amandman egzansyon Medicaid 1115 sa a pral ede Depatman an kontinye envesti nan sante ak byennèt Nouyòkè yo. Mwen remèsy CMS paske li ba nou opòtinite pou kontinye envesti nan bon jan kalite sèvis ak pwogram sante, elají mendèv swen sante a, epi lite pou yon vrè ekite sante."

Direktè Medicaid Eta, Amir Bassiri, te deklare, "Apre plizyè mwa nan negosyasyon, nou jwenn yon akò ki enpòtan pou sistèm swen sante eta a. Apwobasyon amandman demonstrasyon sa a pral pèmèt eta a avanse ekite nan sante, diminye diferans nan sante, sipòte livrezon bezwen sosyal ki gen rapò ak sante, soutni lopital privye sekirite enpòtan yo, epi etabli pwogram fòmasyon sou chemen karyè pou pwofesyonèl sante ak swen sosyal ki nan premye liy lan ki pral vize mank mendèv nan tout eta a."

Lidè Majorite Sena a, Chuck Schumer, te deklare, "Medicaid se baz swen sante pou plizyè milye Nouyòkè, epi apwobasyon federal sa a nan egzansyon Medicaid New York la pral kreye yon fondasyon ki pi solid pou swen nan Empire State la. Mwen bat bravo pou efò Gouvènè Hochul ap fè pou l'investi plis pase 6 milya dola nan finansman federal pou delivre pi bon swen sante pou moun ki pi nan bezwen yo, ede lopital filè sekirite nou yo bay swen siperyè epi adrese gwo defi mank travayè sante yo."

Lidè Demokrat la, Hakeem Jeffries, te deklare, "Anpil Ameriken konte sou Medicaid pou yo viv avèk favè ak diyite, epi ewo swen sante nou yo konte sou finansman enpòtan li pou kenbe sistèm lopital nou yo an fonksyon. Mwen remèsyé Gouvènè Hochul, administrasyon Biden lan ak delegasyon Kongrè New York la pou travay yo fè pou pwoteje ak ranfòse Medicaid nan New York, elajî mendèv swen sante nou an epi fè efò pou ekite sante atravè eta a."

Reprezantan Jerrold Nadler te deklare, "Mwen bat bravo pou anons jodi a ki pral bay finansman ki nesesè yon fason ijan pou sipòte lopital rezo sekirite New York yo epi avanse ekite sante atravè eta a. Apwobasyon pwojè demonstrasyon sa a pral pèmèt New York kontinye envesti nan sèvis ak pwogram sante ki sipòte kominote nou yo ki pi pa jwenn ase sèvis."

Reprezantan Brian Higgins te deklare, "Aksyon sa a bay Eta New York fleksibilité pou dedye resous federal yo pou adrese kòz pwofon diferans yo epi finalman pi byen sèvi bezwen sante moun ak kominote yo. Lidèchip ak inisyativ solid Gouvènè Hochul pou reflechi odela solisyon tanporè a epi genyen yon ide jeneral pral kreye amelyorasyon ki gen sans, ki dirab nan sante ak lavi Nouyòkè yo."

Reprezantan Joe Morelle te deklare, "Anviwònman w ap viv la gen rapò dirèkteman ak risk swen sante w yo, epi kominote ki pa jwenn sèvis yo ap fè eksperyans yon pi gwo pousantaj rezulta negatif akòz inegalite nan sante. Egzansyon federal sa a pral pèmèt fleksibilité eta nou an nan planifikasyon pwogram pou ogmante inisyativ mendèv ki fèt pou asire disponiblite kontinyèl swen nan katye ki gen difikilte yo. Mwen rekonesan anvè Gouvènè Hochul paske li rekonèt nesesite pou egzansyon sa a epi mwen pa ka tann pou nou travay ansam pou adrese anpil detèminan sosyal nan swen sante yo."

Reprezantan Paul Tonko te deklare, "Depi lontan mwen defann efò pou ranfòse sistèm swen sante nou an, epi an patikilye, pote bon jan kalite swen konpasyon, bay moun ki gen difikilte ak adiksyon ak maladi mantal yo. Mwen rekonesan dèské yo pral bay Nouyòkè swen konplè sa a epi mwen pral kontinye fè tout sa mwen kapab pou

jwenn finansman federal ki sipòte kominote nou yo epi ki bay espwa pou moun ki plis bezwen li."

Reprezantan Dan Goldman, te deklare, "Sosyete nou an gen yon obligasyon pou I bay moun nan mitan nou ki bezwen plis swen sante, epi nou dwe atake pwoblèm sa a ak yon apwòch ki enkli tou nivo gouvènman an. Envestisman istorik 6 milya dola sa a enpòtan anpil pou bay Nouyòkè yo atravè eta a aksè ak bon jan kalite swen abòdab. Mwen te fyè pou m sipòte inisyativ sa a nan mwa me a, epi mwen bat bravo pou Gouvènè Hochul ki garanti finansman enpòtan sa a epi ranfòse Medicaid pou plizyè milyon Nouyòkè ki konte sou li."

Apwobasyon CMS la pèmèt New York fè gwo envèstisman atravè yon seri inisyativ Medicaid sinifikatif, tankou etabli Rezo Swen Sosyal pou entegre sèvis swen sante, konpòtmantal ak sosyal ki konekte manm ki gen gwo bezwen ak sèvis sipò nitrisyonèl ak lojman enpòtan; amelyore aksè ak tretman kowòdone ak konplè pou maladi itilizasyon sibstans; envesti nan swen prensipal epi fè envestisman dirab alontèm nan mendèv swen sante eta a.

Amannman demonstrasyon an gen ladan tou finansman pou sipòte yon Inisyativ Bidjè Global pou Lopital Medicaid pou yon pati nan lopital rezo sekirite ki finansyèman an detrès kap fè tranzisyon nan peman ki rekonpanse valè olye sou volim swen yo bay yo. Inisyativ sa a pral sipòte lopital esansyèl sekirite ki ede sèvi popilasyon ki pi vilnerab yo epi ki gen plis faktè risk sante negatif ak pi move rezulta sante.

Demonstrasyon an pral abòde mank enpòtan mendèv swen sante nan anviwònman filè sekirite atravè pwogram fòmasyon inovan sou chemen karyè pou pwofesyonèl sante ak swen sosyal premye liy ki pral ogmante aksè ak sèvis ki apwopriye pou kilti. Pwogram fòmasyon sou chemen karyè sa yo pral fòme ak edike nan bi pou kreye yon filyè mendèv ki fyab pou swen sante pou adrese mank mendèv, epitou pou ogmante opòtinite pou travay ak avansman karyè.

Inisyativ mendèv yo gen ladan tou yon pwogram ranbousman prè pou kèk pwofesyonèl mendèv swen sante ki angaje yo nan travay nan pratik ki baze sou kominote a nan zòn ki pa jwenn ase sèvis yo, tankou dantis, sikiyat, ak espesyalis enfimyè klinik yo.

Nan fen demonstrasyon an, objektif eta a se fè pwogrè enpòtan nan estrateji Peman ki Baze sou Valè (Value-Based Payment, VBP) li yo ak aliyan atravè Medicare ak Medicaid pou avanse swen prensipal ak rezulta sante popilasyon an.

###